

الحلقة (12) .. دورة ﴿ إِنَّمَا يُبَايِعُونَ اللَّهَ ﴾ ..

#تدبريات_في_سورة_الفتح .. د . حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وببيدك

الخير كله واليك يرجع الامر كله. اللهم صل على الحبيب محمد وعلى ازواجه. امهات المؤمنين وعلى ذريته - 00:00:01

ال بيته انك حميد مجيد. اما بعد اخواني واحبابي في الله وصلنا للحلقة الاخيرة الحلقة الواحد وعشرين. باذن الله من تدبريات في سورة الفتح انما يبايعون الله الوقفة بتاعة النهاردة وقفة خطيرة اوي يا جماعة. وقفة مستقبلية ومصيرية بالنسبة لنا. هو احنا اتبهرنا

بسورة الفتح ليه - 00:00:24

ربنا معزم الصحابة كل التعظيم ده. ومبشر بهم في التوراة والانجيل والعطاءات منهمرة على لانهم اتربوا يا جماعة. ده عطاءات ربنا اللي بيتربوا البطولات اللي خرجت من الصحابة دي لان هم اتربوا لو ما كانواوش اتربوا ما كانواوش قدروا يعملوا البطولات ده ايه! سورة

محمد اللي قبل سورة الفتح على طول - 00:00:44

الاية الاخيرة منها ربنا بيكلم نفس الصحابة. اللي قال لهم لقد رضي الله عن المؤمنين اذ يبايعونك. ويقول لهم وان تتولوا استبدل قوما غيركم ثم لا يكونوا امثالكم. ربنا يقول لهم انا ممكن استبدلكم كلكم. شدوا حيلكم. انصروا الدين بحق -

00:01:04

وجاهدوا في الله حق جهاد اشتغلوا في الجهاد بحق وحقيقي حق جهاده. مش شكل دعوة دعوة بحق وحقيقي. تربية بحق حقيقي غزلوا السير ربنا في سورة محمد اللي قبلها. يقول لهم فهل عسيتم ان توليتم ان تفسدوا في الارض؟ هو انتم دلوقتي ينفع انكم

تمسكوا حكم؟ هو انتم دلوقتي ينفع - 00:01:24

تبقوا اولياء على الناس في الارض. هو انتم الوقتي ينفع يمكن بكم في الارض؟ هل عسيتم ان توليتم ان تفسدوا. انتم دلوقتي ممكن لو تبوأتم اماكن عالية في قيادة الحياة والمجتمع ما تقدروش. انتم لسة عايزين تتربوا. انتم لسة عايزين بناء. انتم لسة عايزين سورة

الفتح. معاملة تانية خالص - 00:01:44

خالص وربنا يقول لقد رضي الله عن المؤمنين اذ يبايعونك. وربنا بيوعده ليه؟ اتربوا يا جماعة. الفرق ما بين الايات دي والايات دي اربع سنين اربع سنين تربية. اربع سنين قيام ليل. اربع سنين طلب علم. اربع سنين تربية بالمصاحبة. فيه مصاحبة النبي عليه الصلاة

والسلام. اربع سنين في بيئة الايمان في المسجد النبوي - 00:02:04

اربع سنين مع صحبة الهمة في الصحبة الصالحة. اربع سنين من التربية بالحركة والشغل في الدعوة. اربع سنين من الارتباط بالقرآن ومعاني القرآن تدبر القرآن. اربع سنين من التربية وصلتهم للمستوى ده. يبقى التربية هي الحل. يبقى التربية هي فعلا الفريضة -

00:02:24

قائدة زمان يعني كتاب الفريضة الغائبة ده فيه ناس اتكلمت قالوا الفريضة الغائبة هي حكم الشريعة. هو ده اللي لو جه كل حاجة هتيجي. ما هو كلمة الفريضة الغائبة يعني الحاجة اللي غايبة ولو جت كل حاجة هتتغير. ناس قالوا لأ هو الجهاد اللي لو جه كل حاجة

هتيجي. طب يا جماعة ما هو الجهاد قام ايام صلاح الدين الايوبي. وبعد ما رجعت فلسطين - 00:02:44

صلاح الدين الايوبي وولاده فرقوا الملك بتاعه ورجع الصليبيين احتلوا فلسطين تاني. يا جماعة ايه الفريضة الغائبة؟ التربية هي اللي

لوجت الواقع كله هيتغير. قال رسول الله صلى الله عليه وسلم في صحيح البخاري. يوشك ان يغزو فنام من الناس. فيقولون هل فيكم من صاحب رسول الله؟ شف - 00:03:04

كلمة صاحب دي حد اتربى بالمصاحبة على ايد النبي؟ فيقولون نعم فينا صحابة؟ فيفتح لهم. الارتباط بين التربية بالمصاحبة وبين الفتح. ثم يغزو في من الناس جيل التابعين بقى فيقولون هل فيكم من صاحب رسول الله؟ فيقولون نعم فيفتح لهم برضو اللي اتربى بالمصاحبة على - 00:03:24

ايد الصحابة من التابعين ارتبطوا بالفتح. ثم يغزو في اب من الناس فيقولون هل فيكم من صاحب من صاحب اصحاب رسول الله فيقولون لهم فيفتح لهم. ثلاث اجيال من الفتوحات الجارية وده اللي حصل بعد النبي عليه الصلاة والسلام فعلا. الجهاد استمر ثلاث اجيال من فتوحات. هو ايه اللي بيحصل - 00:03:44

يا جماعة اللي بيحصل ان النبي ربط ما بين التربية بالمصاحبة وما بين الفتوحات في الارض. التربية دايم مرتبطة بالفاتحة. عشان كده حتى هنا سورة الفتح. سورة الفتح اتكلمت عن - 00:04:04

التربية سورة يوسف اولها جلسة تربوية فردية ما بين مربى اسمه يعقوب وطالب اسمه يوسف. نهاية السورة الطالب ده رفع ابواه على الارض بقى ملك على البلاد. التربية بتجيب تمكين. التربية بتغير الانظمة السياسية في الدول زي سورة يوسف. التربية بيفتح لها القلوب - 00:04:15

التربية فلما كلما ده واحد متربي قال انك اليوم لدينا مكين امين. اتغير كل حاجة في الواقع بسبب ان واحد متربي اتكلم عن ربنا سبحانه وتعالى دقائق التربية دي حاجة تانية. التربية دي وعد من وعود الله. التربية دي مهنة الانبياء. بل مهنة جبريل وهو يربي الانبياء. التربية مهنة الانبياء - 00:04:35

عايز يبقى مع الانبياء في الفردوس الاعلى يعمل في التربية. التربية مش محتاجة شيخ كبير. تصورات المسالية عن التربية هي اللي دمرتها الانسان اي اخ طالب علم معقول او متوسط هيحنو على الشباب الصغير اللي في المسجد بتاعه ويحفز القرآن ويهتم بهم ويشرح لهم صور - 00:04:55

ويسمعهم دروس ايمانية وياخداهم دروس. ويعرفهم بالدعاة ده هيبقى مربى عظيم. يعني وكل ما يزيد في المستوى الايماني والتعليمي خير وهيربطهم بان هم يدخلوا على اكاديميات علمية زي اكاديمية زاد ولا اي معاهد تربوية يتربوا فيها. يا جماعة التربية دي رحمة. التربية مش محتاجة تفرغ من - 00:05:13

طالب ولا بالمربي وانما عملية تعهد واستمرار. طب عشان التربية تنجح. عشان الفريضة انا قلت لكم الحلقة دي اسمها الفريضة الغائبة. عشان الفريضة الغائبة تنجح التربية عشان تنجح لازم شرط في المربي شرط في الطالب شرط في عملية التربية. الشرط اللي في المربي هو اللي يكون عنده خط سير - 00:05:33

الطالب وراه. وهقول لكم الوقت خط سير رهيب. اتكلمت عنه في دستور الملتزم الجديد من اخطر السلاسل اللي ربنا فتح علي بها في حياتي اللي هي سلسلة التزم سم مازا؟ اسمعوها. خمس حلقات اخطر ما تكون باذن الله. الشروق يبقى المربي يكون عنده خط سير. طيب ويكون مستمر ما بيقطعش مع الطالب. ما بيلعبش - 00:05:53

بحياة الطلبة ها ما يتشغلش في دنيته بعد كده يرجع لهم كل شوية الطلبة مش لعبة. الاخوة مش لعبة يا من تعملون في التربية. ويا من تطلبون العلم ايها الدعاء الاخوة مش لعبة. ترجع لهم لما تفضى ولا لما دروسك تقف ولا لما الابواب تتقف قدامك الاخوة دي امانة امام الله. اسأل الله ان يعيننا على - 00:06:13

ان نحملها بحقها. طب والشروط في الطالب عشان التربية تنجح؟ فامن له لوط. مش فامن به. له يعني سلم له. يبقى الطالب يسلم الاوروبي ويسمع كلامه فيطور بسرعة. لان حقيقة القائد في عملية التربية هو الطالب مش المربي. كل ما الطالب بيزيد وبينقل كل ما المربي بيدي له معاني اعلى - 00:06:33

انا مش هقدر أكل ابني الربيع لحمه اموته. انما لو كبر هأكله لحمه. يبقى الطالب كل ما بيكبر انا هاديله على قد مستواه. كل ما هينفز

التوصيات مبنية على بيئتها ؟ وربنا يقول واما من جاءك يسعى وهو يخشى. ثلاث شروط في الطالب جاءك جاي للمربي مهما كانت المعوقات. يسعى بهمة - 00:06:53

فالنسبة وهو يخشى مرعوب احسن يتحرم من الاصطفاء عند الله. الطالب اللي عنده همة هو اللي بيوصل. طب وشروط النجاح في عملية التربية نفسها هي عدم التصور المثالي عن التربية. ان التربية مش محتاجة تفرغ مش محتاجة مربى عملاق وشيك كبير. آآ التربية مش ما التربية بتأخذ سنين فلبست سنين - 00:07:13

لازم المربي يصبر سنين مع الطالب ويا بخته. الطالب اللي هيكمل في النهاية هيبهر يعجب الزراع. هيبقى حاجة عجيبة. طيب نتكلم عن شيء من خط التربية انا اديتكو اربعين قاعدة يعني والكلام ده متطور شوية الكلام عن الكلام اللي انا قلته في دستور الملتمزم الجديد. اربعين قاعدة اللي عايز - 00:07:33

معظمهم يسمع سلسلة دستور الملتمزم الجديد. هتلاقوه على اليوتيوب التزمت سم ما يزال. او دستور الملتمزم الجديد. اربعين قاعدة. رقم واحد خماسي البدء ايه خماسية البدء انا هقول لكم بسرعة بس خط سير ايه الخمس حاجات اللي لو بدأت بهم هتبقى حياتك فتح بفتح. رقم واحد اقرأ القرآن صح - 00:07:53

ادخل ما انا خلصت خمس تجزاء وسببك بقى من الكلام ده. امل ايه؟ اقرأ القرآن بخشوع وتدبر. كنت بسأل الاخوة في المسجد قلت لهم ايه السؤال اللي لو مجموعة اخوة وسألته لهم تعرفوا مستقبلهم في الدنيا هيبقى شكله ايه؟ لهم مستقبل واستعمال واصطفاء ولا لأ؟ قالوا لي ايه؟ قلت لهم كيف تقرأ القرآن - 00:08:13

انا لما بقرأ القرآن صح وبركز مع واقف مع جملة جملة انا حياتي بتتغير. معاني الدعوة اللي انا بقولها وخطب الجمعة بتتغير. عزمت في الحياة بتتغير يا نوري ونور البصيرة في الحياة بتتغير. اقرأ القرآن صح. واسمع القرآن صح. اسمع بقلبك. اقرأ بتركيز ده الدستور بتاعك - 00:08:33

ده خارطة الطريق ده روستات انقازك. ده طوق النجاة اللي نازل لك. اوعى يبقى همك الحرف بعشر حركات بس. اقف مع جملة جملة واقرا تفسيرها واسمع شروعا. اقرأ القرآن صح. رقم اثنين - 00:08:53

غير علاقاتك يعني ايه غير علاقاتك؟ يعني ما عايش ينفع طالب كلية طب اول ما بيدخل كلية طب اول حاجة بيعملها ايه؟ انا عايز انا عايز اصاحب الاوائل عشان ابقى من الاوائل. صاحب الاوائل - 00:09:09

الاوائل دول في الدين بنسبهم ايه؟ صبة الهمة. صبة الهمة اللي هو لما تصاحبهم يلا رح تدبر. يلا نروح مقابر. يلا نقوم الليل. يلا نروح نزور الشيخ فلان ونستفيد منه - 00:09:19

نروح نحضر الدرس الفلاني. يلا نطلب علم في المعهد الفلاني. على النت. يلا نقرا قرآن. يلا نذاكر تفسير. يلا نشجع بعض. يلا نشجع بعض. اللي شعارهم يلا نشجع بعد ان تقوموا لله مثنى قبل وفراى. دور على صبة همة يبقى غير علاقاتك دور على صبة الهمة. علاقات زمان ما عادتش تنفع دول - 00:09:29

بقوا مدعويين هترجع لهم بس بعد سبع تمن شهور. اما تستأذن كده ويبقى لك صبة صالحة ترجع لهم تدعوهم الى الله. وسط الصبة الصالحة الجديدة. رقم ثلاثة رقم ثلاثة لم تصل الى الله الا بالله. ادخل بالدعاء ادخل رافع ايدك. طريق الدين ده اوعى قلبك يتعلق بشيخ انه هيوصلك ربنا - 00:09:49

اوعى احد اخواني قال كلمة مرة حلوة على واحد من شيوخه. قال يا رب انا انا مصاحبه عشان يوصلني لك لو هيعطيني عنك خده مني. ها ابعده عني انا اوعى قلبك يتعلق ان شيخ هيوصلك لربنا. بالزات الاخوة اللي زينا واحنا صغيرين كنا نتعلق بالشيوخ هم اللي هيوصلونا لربنا وممكن يبقى مشغول - 00:10:09

ويضيع ثلاث اربع سنين من عمرك وانت قاعد مستنيه اتعلق بالله. الله هو اللي هيوصلك يا رب وصلني. يا رب اهديني. يا رب ما ليش غيرك الركعتين السجود ويا رب وصلني واهديني به لازمة على لسانك. ليل نهار ليل نهار. يبقى ادخل رافع ايدك. ارفع ايدك تاكل ملبن. رقم اربعة - 00:10:29

انسان جديد. غير اخلاقك. الروشة السحرية. الروشة السحرية. عايز تزهل كل اللي حواليك. بالتزامك بعد ما التزمت وتفهمهم انك اتغيرت عايز تعمل كده ويحبوا الالتزام ويدخلوا معك ما تدخلش بالامر والنهي وحرام وحلال. الكلام ده انت هتخسر كل حاجة. امال
اعمل ايه - [00:10:49](#)

ايجار اخلاقك. اعمل ايه؟ اربع حاجات روشتة سحرية. امك وابوك اتحول لخدام بهم. اكوي آآ بنطلون والدك. لمع له الجزمة. شيل الغسيل لوالدتك او انشر لها الغسيل شطب لها المطبخ بالليل الله تاني حاجة اخدم اخواتك. انت طول عمرك ناقر والقيير معهم. اخدمهم بقي. انزل اعمل لهم مصالح - [00:11:09](#)

امك وابوك هيتجننوا اصلا! انت بتعمل ايه يا ابني! انت ايه اللي غيرك كده بعد ما كنت مصدر ازعاج في البيت! بقيت خدام لاخواتك كمان وحاجة شخصية ايجابية. رقم ثلاثة - [00:11:29](#)

استشهد مع اصحابك. اعمل اصور لكم مذكرة كزا. انا عملت مذكرة في مادة كزا. حطها في مكتبة للي عايز يصورها. خليك جدع بقي. خليك صاحب صاحبك بقي. ها استرجع معهم في المواقف من غير ما تضيع عمرك ووقتك ولكن خليك راجل في المواقف. اعمل التاتش بتاعك. يبقى رقم ثلاثة استرجل واستشهد مع اصحابك. رقم اربعة اوصل ارحامك هتلاقي - [00:11:39](#)

والدك ووالدتك اتزهلوا اصلا! انت عمرك ما سألت على اعمامك ولا اخوالك! آآ كل شهر بقي ها لسته ورقة كده واعمل فيها ارقام قرايبك كلها. وكل شهر مكاملة اخبارك ايه يا عمي؟ عاملة ايه يا عمتي؟ عامل ايه يا ابن خالتي؟ عامل ايه يا ابن عمي؟ اقلق وابوك وامك كانوا رافعين راسك راسهم بك اهو. بسميها الروشة السحرية - [00:11:59](#)

الاربع حاجات دي غير اخلاقك مش هتاخد منك وقت كبير وهتبهز الدنيا بك. خلاص وطبعا افشي السلام بقي وسط الناس ابتسامة وسلام. الناس كلها تحس انك بقيت قتل كيوت وزوايز وظريف والدين فرق معك. لان الناس عندها بتقيس جمال الالتزام باخلاقك. اتعاملت معهم حلوة ولا وحش؟ اديتهم ولا - [00:12:19](#)

رقم خمسة يبقى آآ اقرأ القرآن صح. غير علاقاتك صاحب اصحاب الهمة لن تصل الى الله الا بالله. اهتم جدا بالدعاء وعلق قلبك بربنا ان هو اللي هيوصلك اوعى قلبك يتعلق بشيخ قربنا يعطلك بسببه. والشيوخ هتوصلك بس باذن الله. رقم اربعة انسان جديد اللي هي غير اخلاقك اللي هي الروشة - [00:12:39](#)

رقم خمسة آآ افهم آآ الدين صحصح مفهوم الالتزام. يعني تصور الالتزام صح. التصور الصحيح الالتزام. يعني ايه ايه في حاجة اسمها التصور الخاطي عن الالتزام ان الملتزم ما بيعصيش ده اكبر سبب للاحباط والانتكاس. حبيبي المعصية دي زاهرة طبيعية في حياتك. حلها انك انت تجدد التوبة - [00:12:59](#)

مش حلها الاحباط. حرام عليك. فيه اخوة مش عارفة تذاكر بسبب الاحباط من الزنوب. انا ربنا ينتقم مني. في نتيجتي ومجموعي بسبب ان انا باعمل زنوب. يا ابني بطل استغفر الله العظيم. بطل الوسواس اللي مسكك ده. حبيبي ده غلط كلام غلط اصلا ربنا رحمن رحيم رؤوف كريم لطيف تواب قريب مجيب. لو - [00:13:19](#)

انكم لتذنبون لذهب الله بكم واتي بغيركم بقوم اخرين يذنبون فيستغفرون فيغفر الله لهم. يا اخي اتق الله. استغفر ربنا واحسن الزن في الله هو ربنا استغفر الله العظيم فيه ناس ربنا ماسك كرباج ومستني. اللي يغلط يدي له ايه ده! والله استغفر الله العظيم واتوب اليه. ربنا ارحم الراحمين. خير - [00:13:39](#)

رحيمين وخير الغافرين وخير الرازقين ربنا الكريم ازاى يبقى ده ظنك في الله سبحانه وتعالى آآ يبقى صحح التصور المثالي عن التزام التصور المسالي عن الصحبة آآ انا عايز بقى اصحاب ملايكة بترفرف ها خليك واقعي. هتلاقي في الملتزمين ناس بتعصي وبتناع بلاش التصور - [00:13:59](#)

المسألة على الملتزمين اللي خلى ناس كتير تبعد عن الدين. ايه ده! ده ما طلغوش قديسين. هو مين قال لك انهم كانوا قديسين اصلا! بشر يا حبيبي زيهم زيك. بس نفسهم - [00:14:19](#)

قربوا من ربنا بس مش اكثر من كده. الفرق بين العاصي والملتزم مش ان ده بيعصي وده ما بيعصيش. الاتنين بيعصوا. بس ده

بيعصوا ما بيتوبش وده بيعصي وبيجدد التوبة وبيرجع يرقص ثاني ويجدد التوبة ثاني صحح المفاهيم المسالية بتاعتك عن الطريق. آآ ثاني حاجة - [00:14:29](#)

الجدية. انت داخل جيش. انت مش داخل مستشفى امراض نفسية عشان تريح نفسك. انت داخل جيش بقى لك مهمة. لازم تفهم انك لازم تتربى. اول ثلاث اربع سنين في التزامك دول تربية - [00:14:49](#)

تربية بس تربية وطلب علم قدر الوسع. بمنهج وخط سير مع مربى. رقم خمسة لازم تفهم ان مآلك بعد التربية انك على صغر من سهور الدعوة. انت داخل عشان تشتغل الايد البطالة وحشة. اوعى تبقى ايد بطالة في الدين. لازم يبقى لك سهر في يوم من الايام وانت بتتربى - [00:14:59](#)

تفهم بقى احسن ثغر بازن الله سبحانه وتعالى. آآ بعد كده لازم تفهم ان طريق التربية وطريق الدين ده طريق سنين. ده طريق عمر مش حاجة سريعة كده وايه خلاص. يبقى فلبست سنين بعد كده لازم يبقى عندك ذاتية. ذاتية يعني ده دينك. اه ما لقتش مربى بقى. انا ضايع. حبيبي ما لقتش مربى - [00:15:19](#)

ما لقتش صحبة ما لقتش ده دينك. انت في انت في رقبة نفسك. انت مسئولية كل طائر كل انسان الزمناه طائره في عنق انت مسئول عن نفسك. ما ما تشيلش شيلتك على حد. اجري دور على دينك. مش لاقى صحبة اجري ودور. مش لاقى مربى اجري ودور. مش لاقى محفز قرآن اجري ودور. ادخل - [00:15:40](#)

ادخل من الابواب المفتوحة. خليك عندك جدية في دين الله. برضو من ضمن مفاهيم الالتزام افهم انك لك منهج. انت راجل سلفي. يعني راجل لك منهج مش بتاخذ اي حديس. احاديس - [00:16:00](#)

مش بتفهم القرآن والسنة بدماعك. بتفهمها بفهم القرون الثلاثة الاولى. فيه علماء بترجع لهم في امورك وفتواك. يبقى دي ده الخمس حاجات بتاعة وصية البدء. خلاص صحح مفهوم الالتزام لن تصل الى الله الا بالله. اقرأ القرآن صح. غير علاقاتك. غير اخلاقك. فيه حاجة بعد كده اسمها - [00:16:10](#)

اليقظة. ايه ثلاثية اليقظة؟ اسمع دروس كتير جدا. الثلاث حاجات اللي هي فوقك بقى. اللي هي شعلك ويخلوك تصحى من النوم ومن رقاد الغفلة سماع الدروس كتير جيت خليك حريقة سماع. اسمع مقاطع ودروس في المسجد وعلى النت واسمع السماع ده. انا اكرر حاجة بنتني في حياة السماع. كثرة - [00:16:30](#)

انت سامع وانا طالب في الكلية كنت حريقة سماع. بسمع السماع بتاخذ خلاصة عمر الشيوخ والدعاة. وبتسمعها في كبسولات. رقم اتنين اعمل ورقة النعم رقم ثلاثة اعمل ورقة الزنوب. ابوء لك بنعمتك علي وابوء بذنبي. ورقة النعم هتزهلك. هو ربنا اداني كل ده. هتخلي العلاقة بينك - [00:16:50](#)

وبين ربنا من البداية حب. دي ورقة النعم. اعمل ورقة وهتكبر مع السنين بقى. كل شوية هتكتب فيها نعم جديد كتير. اصحى بقى. افكر ربنا عمل لك ايه؟ اكتب في ورقة - [00:17:10](#)

نعم الرؤى اللي ربنا ورهالك. اكتب في ورقة اني اعمل مرات اللي ربنا اجاب دعائك. اكتب فرقة النعم المرات اللي ربنا ما سابكش وانقذك. اكتب فرقة النعم نعم ربنا عليك في الدنيا وفي الدين - [00:17:20](#)

الظروف النفسية الشخصية وفي امك وابوك وفي سكنك وفي زكائك وفي شكلك وفي كل حاجة وفي الصحبة اللي باعتها لك تالت حاجة اكتبها ورقة الزنوب اكتب بقى زنوبك في ورقة بس تبقى مخفية او برموز عشان ما تقعش في حد تتفضح. اكتب ورقة الزنوب عشان تبقى مكسور لربنا. دايمافهم انت - [00:17:30](#)

خسرت قد ايه وانت بعيد عن ربنا؟ او معرض نفسك لعقوبات قد ايه؟ لو فضلت مكمل. يبقى دي سلاسية اليقظة. خماسية البدء سلاسية اليقظة بعد كده في حاجة اسمها اعمدة - [00:17:50](#)

الادارة السابعة. يبقى التمانية خمسة وثلاثة ثمانية والسبعة يبقى خمستاشر انا قلت لكم اربعين قاعدة. اعمدة الانارة السبعة دي عبارة عن ايه؟ سبع شخصيات. لازم بيبقوا في حياتك لو عايز تسبت وتتطور. رقم واحد - [00:18:00](#)

معي الواعظ اسمع اسمع كثير احضر ارتبط بالدعاء واسمع لهم. ويا ريت لو ترتبط بحد من الدعاء اللي ايه مقصرين فيك اوي. رقم
اتنين المربي اللي عنده خط سيره يهتم بك. رقم مش لازم السبع شخصيات يبقوا في حياتك. بس على الاقل ثلاثة اربعة منهم. يبقوا
في حياتك. رقم ثلاثة محفز القرآن - [00:18:16](#)

ما تحفز القرآن لوحدهك احفظ على ايد حد. رقم اربعة المعلم الشرعي ادخل اكااديمية علمية اكااديمية زاد. آآ تجد كرامة آآ معهد ازن
خير آآ ادخل معاهد يعني مش تقرا نص كتاب مع واحد وتقلب لأ ادخل معاهد علمية. يبقى المعلم الشرعي رقم خمسة الشيخ -
[00:18:36](#)

كبير الشيخ الكبير العلماء بقى تزوره كل شهر. تبوس ايده تستشير في امورك. اللي هو العلماء الكبار اللي ما عدش فاضي انه يدرك
مناهج علمية. ولكن هو مين دي توصيات كبيرة. رقم ستة صحبة الهمة. صاحب الصالح. وخذ بالك. صاحب الهمة في الدعوة غير
صاحب الهمة في العبادة. غير صاحب الهمة في الاعمال الخيرية. نقي - [00:18:56](#)

نقط بقى وصاحبهم. رقم سبعة الاخ الكبير. الاخ الكبير ده يعني ايه؟ فيه اخوة مش دعاة ولا مربين. ولكن عملوا جمعيات خيرية.
عملوا مواقع نت اخوة ايجابية عالية وقوية. باسميهم الكوادر. ها اه صاحب دول هتلاقي عندهم خبرات مزهلة. مش لانه مش شيخ
ولا داعية ولا مربي ولا طالب علم - [00:19:16](#)

تنسى فضله وتنسى قيمته ده عنده خبرات مهولة لك في حياتك. ده مربي اصلا وجهاء الصف اللي اساتذة الجامعة والتجار الناجحين
الملتزمين اللي مرتبطين ببيت الايمان ولكن ناجحين في الدنيا هيفيدوك جدا. اقعد واستشيرهم في امور حياتك - [00:19:36](#)
قدماء الصف الاخ اللي بقى له عشرين سنة ما بقاش شيخ ولا داعية بس معنا في بيئة الايمان. وبيصلي الجماعة ولسه محافز على
دينه. آآ ده برضو هيفيدك جدا وعنده خبرات رهيبة. يبقى دي الاخ الكبير دول سبع شخصيات. لو فيه شخصية تامة هيحطها معهم
يبقى مربي التنمية البشرية مدرب التنمية البشرية - [00:19:52](#)

واللي بيعلمك الكوتشينج والمعالج النفسي واللي بيدريك علاج الاضطرابات الشخصية. واللي واللي بيعلمك ارشاد اسري والشخصيات
دي اللي هي علوم التغيير الدنيوية دي برضو ممكن تفيدك جدا. لو انت حبيت تستفيد منها وهتبني حاجات في ملامح. شخصيتك
بالزات لو ناس اهل دين واهل علم في النقطة دي. كده خلصنا خمستاشر قاعدة - [00:20:12](#)

لسة خمسة وعشرين خماسية الارتقاء. ايه خماسية الارتقاء؟ دول خمس حاجات بيضيعوا الملتزمين. هم سبب انتكاس كل الملتزمين
اصلا. دول اولهم من صخور معيقة لسلالم تطلعك. ايه هم الفتور فقه التعامل مع الفتور فقه التعامل مع الزنب فقه التعامل مع الدنيا.
فقه التعامل مع الوقعات فقه التعامل مع مشاكل الطريق. خمس حاجات - [00:20:32](#)

التعامل مع الفطور. الفتورة زهقت عادي ايه يعني؟ لازم تبقى الخمس حاجات دول ما تاخدهمش على صدرك خالص ولا هيعطلوك.
الفتور ده زهقان وبيعدي لوحده. فقه التعامل على الزنب اتبع السيئة الحسنة تمحها. بس خلصت وقعت في زنب يا شيخ. خلاص يا
حبيبي قم آآ لو كان زنب من زنب - [00:20:57](#)

والشهوة قم يا حبيبي خد الدش بتاعك استحم. وقم صل ركعتين التوبة واستغفر ربنا وخلص وعيط لربنا في السجود. وقم استأنف
حياتك. ما تشلش حياتك ما انزلنا عليك القرآن لتشقى. فقه التعامل مع الدنيا ساعة وساعة. بس هو ده كلام النبي عليه الصلاة والسلام.
ساعة للدنيا وساعة للدين. ما انت مزاكرتك عبادة لو جدت النية - [00:21:17](#)

فيها شغل في في الدنيا عبادة. دورات تنمية مستواك. دراساتك العليا عبادة لو جدت النية فيها. على شرط ان الحاجات دي ما
تعطلكش عن الدين وبيت الايمان آآ فقه التعامل مع الدنيا فقه التعامل مع الزنب فقه التعامل مع الفتور. الفتور عامل زي واحد جا له
شد عضلي كده وهو بيعوم في حمام السباحة. لو شد نفسه هيقرق وهيقل - [00:21:37](#)

سيب نفسك انزل اتفسح انزل يا عم فسح نفسك شوية ترجع تلاقي نفسك فكيت. ما فكتش النهاردة هتفك بكرة خلاص. انما لو
تنشنت هتحول الفتور لكارسة. والعياز بالله. فقه التعامل مع - [00:21:57](#)

وقعت يعني وقعت يعني انا عندي اوراد ورد القرآن بقى لي ثلاث تيام ما عملتوش. بقى له اربع تيام النص ساعة اللي قبل الفجر رايحة

مني. صلاة الجماعة بدأت تقف مني. يا حبيبي بس عادي - 00:22:10

انت اورادك لو اديتها ستين في المية انت ممتاز. عادي ان يبقى فيه وقفات في النص في اورادك. رقم خمسة فقه التعامل مع المشاكل. اعمل مشاكل يعني انا دلوقتي واحد مسلا فوق الاربعين عام انا كنت زمان آآ والدتي بتديني وابويا مديني واخويا الكبير ببساعدني والناس كلها - 00:22:20

بتحبك كنت صغير دلوقتي بقيت انا اللي مسئول اولادي مسئولين مني. مراتي مسئولة مني. اخواني مسئولين مني. بقية الايمان مسئولة مني. آآ المدعوين مسئولين مني في التربية مسئولين مني. بقت مسؤوليات رهبة مادية ونفسية ووقتية اقبل ان الحياة مليانة مشاكل. مش هتبقى انت مش هتعيش في صومعة - 00:22:40

اول ما هتلتزم هتلاقي ابوك واقف في وشك وامك واقفة في وشك. واصحابك بيتريقوا عليك. عادي يا عم ما تاخذش الدنيا على صدرك. لا معناها انك وحش ولا معناها ان الناس وحشة ولا حاجة - 00:23:00

يبقى دي خماسية الارتقاء، يبقى كده عشرين قاعدة. فيه بقى خماسية الانطلاق، ايه خماسية الانطلاق؟ خمس حاجات لو عملتهم هتفضل حياتك انطلاقات مزهلة رقم واحد وقفات الاوراد والخطوط الحمراء. ان يتثبت خطوط حمرا ركعة وتر قبل ما انا. تكبيره الاحرام في الفروض الخمسة. السنن الرواتب. صيام اتنين - 00:23:10

خميس تلتاشر واربعتاشر وخمستاشر. رقم اتنين وقفات مقدسة او راجل حاجات صغيرة ولكن بتجمع في الاخر ملايين الحسنات. رقم اتنين وقفات شحن اللي هي مواسم رمضان والاعتكاف عشر ذي الحجة. العمرة ما استطعت اليها سبيلا. ده الشحن السنوي - 00:23:30

الشحن الاسبوعي حضور درس لحد من الدعاء. ما فيش دروس قدامك خلاص اسمع على انت بس لازم تسمع كثير. يبقى وقفات الشحن. رقم ثلاثة هتخلي هتخليك دايمًا سخن ومولع ومتحمس وما بتفطرش. بازن الله. رقم ثلاثة وقفات المجاهدة الشهرية. انك انت لازم يبقى لك - 00:23:48

مجاهدة دورية كل شهر كده يومين بتقفل على نفسك مكان ولا مسجد ولا تسافر في حطة وتقفل على نفسك وقاعد مع القرآن والذكر وتاخذ قرارات وسط الجو النوراني بتاع العبادة فيه تصليح اسس حياتك. مرة تانية يبقى وقفات الدين نقلات بتاعة عمرك. دي النقلات اللي هتنقلك وهترقيك بسرعة جدا - 00:24:08

رقم اربعة وقفات القنص القنص ده انت راجل بقى عندك اوراد المجاهدة الشهرية واوراد الشحن السنوي والاسبوعي واورادك اليومية الحمراء اليومية التعبدية. آآ ساعات يتعرض واحد يقول لك ايه؟ ده فيه قاعدة مع الشيخ فلان الليلة. تيجي! آآ ده فيه واحد آآ حلو اوي كده وآآ - 00:24:28

ادينا قاعدة مسلا في آآ اصول العلوم الشرعية مسلا تيجي آآ ده فيه قافلة خيرية طالعة. تيجي معنا! ده فيه مسلا دورة مع عند الشيخ فلان ده احنا رايعين نزور الشيخ فلان. تيجي اكس بقى الحاجات دي. لو عندك وقت اخلص - 00:24:48

ما عندكش وقت خالص خليك في السوايت. انما لو عندك وقت اخلص لان القناصات دي ساعات بينتج عنها آآ اوراد خطيرة في حياتك وتفتيح افق في حياتك. رقم خمسة فن - 00:25:04

ايه فن الكراش ده ده في خماسية الانطلاق؟ ابوة يا حبيبي من غير ما تعرف تعمل كراش عمرك ما ما هتتعرف تتطور في الدين يعني ايه كراش؟ يعني شفت الولد - 00:25:14

اللي عايز يعمل كراش على بنات يقف في مكان ويقعد يلاغي دي ودي لحد ما يلقط مع واحدة. بعد كده لسته التليفونات بتاعتها كلها بقت صحبتته. وهو بيتعب في اول - 00:25:24

اه بالزبط كده اعمل كراش لو لقيت مسلا شلة دخلت تحضر درسينات ثلاثة اربعة اهل همة ادخل وسطهم ازاى؟ اتدحلب بقى شيكولاتة هدية او صلحكم بالعربية آآ اعمل انك بتسأل سؤال خليك زريف خليك خدوم خليك حلو لقيت داعية من الدعاء وعايز تقرب منه - 00:25:34

خطبة الجمعة مش عايز حد يوصلك بالعربية اعتبرني خدام لك. اوصلك بالعربية آآ حضرتك آآ اعزم صحابك على الغدا. اعمل كراش اقرا في ازاي تستلقت النقط وتقرب منهم؟ يبقى دي خماسية الانطلاق. يبقى يبقى الخماسية البدء سلاسية البيقطة اعمدة الانارة السبعة كده - [00:25:54](#)

خماسية الانطلاق خماسية الارتقاء يبقى كده خمسة وعشرين. لسه خمستاشر قاعدة. العشرية السوداء ودي اللي عايز يعرفها بالتفصيل نرجع للدستور الملتمزم الجديد. اللي هي العشر تشوهات معرفية اللي هتدمر لك التزامك وهتخليك عايش محبط على طول - [00:26:14](#)

زي انتقل من الفكر المشاعري الى الفكر العملي. المشاعري ماسك قلبي مش لاقى قلبي. يا حبيبي انس قلبي. انس كيف حال قلبي. امل كيف حال وردي لما تتصلح خماسية الانطلاق بتاعتك تتصلح. ان شاء الله بعد ثلاث اربع سنين هتلاقي قلبك. ما تقلقش - [00:26:31](#)

ما تقلقش افلم يسيروا في الارض فتكون لهم قلوب. اتحرك وانت قلبك هتلاقيه. بازن الله سبحانه وتعالى يبقى دي العشرية السوداء بلاش تشوهات معرفية بلاش انماط تفكير في الدين مشوهة. غلط هتدمرك. الاخ اللي بيدخل بفكر قلبي ومش لاقى - [00:26:49](#) بيسبب الدعوة لانه مش لاقى قلبه. بيسبب عبادات لانه مش لاقى فيها قلبه. يبقى بيدخل في ضلال. وبيعيش طول عمره محطم ومحبط. حتى لو ايمانه في السما انما هو على طول محبط نفسيته مقفولة فمتها له ان هو مش لاقى قلبه. وهو نفسيته اللي مقفولة اصلا. يبقى دي العشرية السوداء تفصيلها بقى في دستور الملتمزم الجديد سلسلة التزام - [00:27:06](#) الاخر خمسة كده خمسة وتلاتين قاعدة اخر خمسة في خط السير في التربية. او في التربية في بداية الهداية تحديدا اخر خمسة خماسية قيادة الحياة. اللي هي ازاي تبقى قائد؟ القدرة على اتخاذ القرار. القدرة على الاستمرار. القدرة على - [00:27:26](#) واجهة القدرة على المقاومة القدرة على تحمل المسؤولية ودول انا شارحهم بالتفصيل في كتاب انا مش فاهمني اللي هي الاركان الخمسة الشخصية القيادية لازم تقود حياتك وتاخذ قرارات. وما تقفش عاجز - [00:27:45](#)

اوعى تقف وتقدر تاخذ قرار في دقيقة. وتقدر تاخذ قرارات خطيرة ومصيرية بسرعة والا هتفضل مكانك. من غير ما تاخذ قرارات ما فيش نقلات في حياتك. دي كانت واقفة كده مع الفريضة الغائبة اللي هي التربية. آآ وخط السير في التربية من خلال اربعين قاعدة في البدء. الاربعين قاعدة دول هيفتحوا لك باقي - [00:28:00](#) طريق الدين كله للي هيمشي عليهم ده دستور اكتبوه واحفظوه وطبقوه. النقطة الثانية اللي انا كنت عايز اقف فيها قبل ما اخلص الحلقة اكبر من غير ما تفصل. لان النقطة دي - [00:28:20](#)

حبايبي اوي يا جماعة. كتير اوي في بيئة الايمان تقعد تربي مسلا في اخوة وبعد كده الاخ ده يقوم رايح عامل دار قرآن وسايبك. الاخ ده عامل آآ مسلا جمعية خيرية او قوافل - [00:28:30](#) يا حبيبي اعمل اعمل ميت دار قرآن اعمل ميت قافلة وحط عليهم اسمك ودول مشروعك انت وكلنا في ضهرك فيهم ولكن تفصل ليه عن اه بيئة الايمان اللي انت خارج منها. بيئة الايمان دي فيها اعمال دينية. فيها اعمال دعوية. فيها اعمال تربوية. فيها افضل برضو - [00:28:40](#)

مرتبط بالبيئة العامة افضل مرتبط بفريق عمل انت موجود فيه. وهيقوا في ضهرك في عملك الخاص وفي نادي اكبر فيه. وفي نفس الوقت ما تفصلش عشان ما نتقطعش ونفضل جزر جزر جزر. عمرنا ما هنوصل لحاجة. طب خسائر اللي هيفصل ايه - [00:29:00](#) انا انفصلت يا عم. واعمل دور قرآن لوحدي. خلاص ماشي بس انت ما انت يعني بصوا يا جماعة لوحداك عشر قواعد. لوحداك مش هتقدر. اصحاب الكهف مستحيل كانوا يقدرُوا واجهوا الواقع المزل الذي عاشوا فيه ويسبتوا السبات الرهيب ده الا لو كانوا مع بعض. لوحداك مش هتقدر. اتنين اكتبوا القواعد دي العشرة دي. قواعد العشرة اللي هي اكبر من غير ما - [00:29:15](#)

افصل خسائر الفصل عن بيئة الايمان وعن اخوانك اللي انت اتربيت وسطهم وعن الفريق اللي انت اشتغلت معه قبل ما تكبر وتتميز وتبقى داعية السوشيال ميديا كبير او داعية كبير او مربى كبير او معلم شرعي ما تفصلش على اللي انت طلعت منهم. رقم واحد

لوحذك مش هتقدر. رقم اتنين لوحذك مش هتسبت - 00:29:35

يبقى رقم اتنين لوحذك مش هتسبت. خد بالك وحتى لو شغال في الدين رقم ثلاثة لوحذك مش هتفصل. وقالوا واطعنا. امتى فصلوا للطريق؟ لما قالوا واو الجماعة لوحذك مش هتفصل مش هتقدر تاخذ قرارات فاصلة في الدين. اربعة لوحذك مش هتوصل -

00:29:55

عشان كده في الفاتحة اهدنا الصراط. المستقيم. مش اهدني. اهدنا لاني واحنا مش مع بعض مش هقدر اوصل يا رب. فلان اوصل مع اخواني رقم خمسة لوحذك مش هتفرح. مش هتفرح ليه؟ الجماعة رحمة والفرقة عذاب. الفرقة حتى وانت متدين. لوحذك متعذب

انما لما يبقى معك اخوان - 00:30:15

هيسندوك وهيواسوك. ساعة الابتلاء ساعة المشاكل ساعة الفتور ساعة الزنب. هتلاقي حد معك. يبقى لوحذك آآ مش هتفرح رقم ستة لوحذك مش هتنجح. مش هنجح ليه؟ لان الله يقول وتعاونوا على البر والتقوى. على ده كانه جبل عالي مش هتقدر تطلع عليه

لوحذك. قربنا - 00:30:35

قال تعاونوا واو الجماعة هي اللي هتطلعك على الجبل ده. يبقى لوحذك مش هتنجح. رقم ولو انت نجحت في مشروعك الصغير الدين مش هينجح في الواقع مش هينجح يد الله مع الجماعة. مش هتنجح في نصره الاسلام غير لما يد الله تبقى معنا. ويد الله تبقى معنا الا ما ايه ايدنا في ايد بعض. رقم سبعة لوحذك انت اعمى - 00:30:55

ليه؟ المؤمن مرآة اخيه. واحد من غير عايش من غير مراية. عمره ما بص في المراية. ما يعرفش شعره منكوش ولا لأ. شعره طويل ولا قصير. شنبه طويل ولا مزبوط؟ مش عارف حاجة - 00:31:15

يعني في بقعة في هدومه ولا لأ؟ المؤمن مرآة اخيه. رقم تمانيه لوحذك انت مجرم. ليه؟ الاتنين الصحابة اللي تلاخوا. فرفعت ليلة القدر لما انت بتختلف مع اخوانك وتتدابر انت بترفع ليلة القدر عننا كلنا. ليلة القدر بتترفع عن الصف كله بسبب اتنين اتشاكلوا لوحذك انت مجرم. لانك بترفع - 00:31:25

فتوحات عننا كلنا بسبب فرديتك. رقم تسعة لوحذك ستدمر. ستدمر ليه؟ برصاصة قعد سبعين سنة يعبد ربنا. آآ وفي النهاية الشيطان ضحك عليه في نهاية عمره. ومات كافر. والعياذ بالله وربنا - 00:31:45

به في سورة الحشر فكان عاقبتهم انها في النار خالدين فيها. لوحذك انت صاحبك الشيطان اصلا. اللي ما لوش صحبة صالحة. صاحبه الشيطان. رقم عشرة مش هتدخل الفردوس الاعلى. وسيق الذين اتقوا ربهم الى الجنة زمرا. اهل الفردوس الاعلى بيدخلوا مجموعات. امال اللي لوحده ده بيدخل في الاخر بقى زي اخر من - 00:32:00

يدخل الجنة احاديس اخر ما يدخل الجنة. اللي لوحده ده هيقع ويقع. انما المنطلق اول زمرة يدخلون الجنة سبعون الفا متماسكون. زي ما كانوا متماسكين في الدنيا متماسكين في الاخرة. دول الاوائل اللي كانوا مجموعات. اللي كانوا شلل. اللي كانوا فرق عمل. انما اللي كان لوحده وقع وضاع. والعياذ بالله. فما لنا من - 00:32:20

سعيد ولا صديق حميم. اللي لوحده حتى لو اترمى في جهنم ما فيش حد هيشفع له. ما فيش حد هيفتكركه. زي ما كنا نروح العمرة كده عمرة التربية. قل للاخوة خلونا ماشيين مع بعض. اللي هيفصل - 00:32:40

عشان نشد في العبادة اكثر. ثاني يوم هيجي له فطور هينام هيروح عليه صلاة الفجر بمية الف صلاة فجر في الحرم. ما حدش يفتكره. لانك انت ما انتاش فاكر حد ما هي سلف ودين - 00:32:50

يبقى لوحذك مش هتسبت لوحذك مش هتقدر. لوحذك مش هتفصل لوحذك مش هتوصل. لوحذك مش هتنجح. لوحذك مش هتفرح. لوحذك انت مجرم لوحذك انت اعمى لوحذك ستدمر لوحذك مش هتدخل الفردوس الاعلى. عشر خسائر فادحة للي بيفصل لوحده اكبر من غير ما تفصل - 00:33:00

عشنا مع هذه السلسلة المباركة. سلسلة سورة الفتح في واحد وعشرين حلقة. عشنا مع المعاني الجبارة. بس حبيت ان انا اختتم السلسلة. بالكلام عن التربية بالمصاحبة وخط وزير التربية بالاربعين قاعدة اللي ادبتهم لكم. والكلام عن اكبر من غير ما تفصل

سبحانه وتعالى. اسأل الله ان ينفعنا جميعا بهذا الكلام. وان نكون من اهل هذا الكلام. تخيلوا بقى لنا قد ايه في الرحلة العظيمة دي مع بعض وتمت يا جماعة. وهي دي الدنيا - 00:33:40

بنواسي بعض وايدنا في ايد بعض لحد ما نصل الى الله باذن الله. اللهم انا نسألك الفردوس الاعلى. اللهم لك الحمد كله ولك الملك كله وبيدك الخير كله واليك يرجع الامر كله. اللهم لك الحمد اللهم اتم علينا نعمتك. اللهم اتم علينا نعمتك في الدنيا والاخرة - [00:33:50](#)

اللهم اهدنا فيمن هديت وعافنا فيمن عافيت. اللهم صل على الحبيب محمد عليه الصلاة والسلام. اللهم اهدنا فيمن هديت وعافنا فيمن عافيت وتولنا فيمن توليت. وقنا واصرف عنا شر ما قضيت. وبارك اللهم لنا فيما اعطيت. انه - [00:34:10](#)

لا يذل من واليت تباركت وتعاليت. اللهم زدنا ولا تنقصنا واكرمنا ولا تهنا واعطنا ولا تحرمنا. واثرنا ولا علينا وارضنا وارض عنا. اللهم انا نسألك الهدى والتقى والعفاف والغنى اللهم انا نسألك العفو والعافية. نسألك العفو والعافية. اللهم - [00:34:30](#) فانا نسألك العافية وتمام العافية ودوام العافية. والشكر على العافية. اللهم مصرف القلوب يصرف قلوبنا على طاعتك. اللهم انا نعوذ بك من زوال نعمتك. وتحول عافيتك وفجاءة نفقتك وجميع سخطك. اللهم انا - [00:34:57](#)

اعوذ بك من جهد البلاء ودرك الشقاء وسوء القضاء وشماتة الاعداء. اللهم انا عبيدك من وعبيدك منو امائك بيدك ماض فينا حقك عدل فينا قضاء. نسألك بكل اسم هو لك سميت به نفسك. او انزلته في كتابك او علمته احدا - 00:35:17

الخلق او استأثرت به في علم الغيب عندك ان تجعل القرآن العظيم ربيع قلوبنا ونور صدورنا وجلاء احزاننا همومنا. اللهم اجعلنا من اهل القرآن. اللهم ارزقنا حفظ القرآن في صدورنا. رب اجعلنا لك صوامين. لك قوامين. لك ذكاريين - 00:35:37

لك شكارين. ربنا هب لنا من ازواجنا وذرياتنا قرة اعين. واجعلنا للمتقين اماما. ربنا اتنا لدنك رحمة وهيب لنا من امرنا رشدا. اللهم الف بين قلوبنا واصلح ذات بيننا. واهدنا سبل السلام ونجنا من الفتن ما ظهر منها وما بطن - 00:35:57

واخرجنا من الظلمات الى النور اللهم انا نسألك الفردوس الاعلى ونستجير بك من النار. اللهم انا نسألك العفو والعافية. اللهم انا نسألك العفو والعافية اللهم انا نسألك العفو والعافية. اللهم اكفنا بحلالك عن حرامك. واغننا بفضلك عن سواك. اللهم اهدنا وسددنا -

00:36:17

ووفقنا وارشدنا. سبحانك اللهم وبحمدك. اشهد ان لا اله الا انت. استغفرک واتوب اليك. جزاكم الله خيرا - 00:36:41